

Tirelo ya Paseka 27 Motsheganong 2012

Tiya mooko, o tlile go rua boswa jotlhe!

Matseno:

Go tsoga ga Morena Jesus go phaphamisitse barutwa ba gagwe.

Ba kgothala gore ga go a fela jaaka ba ne ba akantse. Morena Jesu o a phela. O fentse leso o tsogile!.

Tsogo ya Morena e tlisitse ka tshoganyetso boitumelo le tsholofelo.

Le nagana gore go tsoga ga Morena Jesu go tlisa eng?

A Morena Jesu o ne a ka busetsa bogosi ba Israel?

Bona, fa leso le sa kgona go mo tshwara, go raya gore ga go sepe se se ka mo thibelang go busetsa bogosi jwa Israele...

Mo go Ditiro tsa 1 re bona Morena Jesu a na le barutwa ba gagwe ba ja.

O ba bolelela gore go tla diragala eng:

Lo se tloge mo Jerusalema, Nnang lo emetse neo e lo e tshepitsweng ke Rara, jaaka ke lo boleletse.

Johane Mokolobetsi o le kolobeditse ka metsi, fela mo malatsing a se makae lo tla kolobediwa ka Mowa o o Boitshepo (Ditiro 1:4c-5)

O kare gabaa mo tlhaloganye, ba mmotsa dipotso malatsi a se ma kae gape morago ga foo

Morena, A ke nako ya gore o tlhome bogosi jwa Israele gape na?

Ka mantswe a mangwe ba ne ba re: Morena, A dilo di tla diragala jaanong na?, A o ya go usa puso ya Baroma na?

Morena Jesu a araba are:

Lo tla amogela maatla fa Mowa o o Boitshepo o tshelwa mo go lona,

Lo tla nna dipaki tsa me mo Jerusalem le Judea yotlhe,

Le kwa Samaria go fitlha dikhutlong tsotlhe tsa lefatshe (Ditiro 1:8)

Morena Jesu o raya jang?

Lo mpotsa gore a ke a go tlhoma bogosi jwa Israele?

Lo dira phoso.

Lo lebile nna...! Ga se nna yo ke tla dirang tiro, lona lo tla dira tiro eo.

Lo tla amogela maatla fa Mowa o o Boitshepo o tshelwa mo go lona, ebile lo tla nna dipaki tsa me...

Ka letsatsi la tshololo ya Mowa o o Boitshepo mantswe a Morena Jesu a ne a dirafala.. Tlaa re bale tlhaloso ya ditirafalo ka letsatsi leo; Ditiro 2:1-13(a)

Erile letsatsi la tshololo ya Mowa o o Boitshepo le tlhaba, ba bo ba le mmogo mo phaposing e le nngwe. Ka tshoganyetso ga utlwala modumo o o tswang kwa legodimong jaaka phefo e kgolo e e tsubutlang, ya tlala ntlo yotlhe eo baneng ba le mo go yone. Ba bona sengwe se eketeng tlhase ya molelo e e tshwanang le maleme a a kgaogantsweng se nna mo go mongwe le mongwe wa bone. Botlhe ba tladiwa ka Mowa o o Boitshepo ba be ba bua ka maleme a mangwe go ya ka mokgwa o Mowa o o Boitshepo o ba neileng go dira ka gone

Go ne go na le barapedi ba BaJuda gotswa merafeng yotlhe e e ka fa tlase ga letsatsi ya mo Jerusalema. Erile batho ba utlwa modumo,ba kgobokana ka bontsi moo.

Erile mongwe le mongwe wa bone a utlwa go buiwa ka loleme lwa gaabo Ba seka ba tlhaloganya gore Barutwa ba kgona jang.

Ba maketse ba itumetse ba re:"A batho ba ba buang ba, A ga se Ba Galelia?..Go tla jang gore mongwe le mongwe wa rona a utlwe loleme lwa gaabo?

BaPerese,Ba Mediana le BaElama,le baagi ba Mesopotamia, Judea, Kapadosia, Pontuse le BaProfinsi ya Asia, Frigi le Pamfilia, Egepete le mehama ya Libia go ralala Sirene, batho go tswa Roma, BaJuda le Baheitene ba ba itseetseng tumelo ya BaJuda, BaKretense le Ba Arabia – re ba utlwa rotlhe ba bua ka loleme lwa mongwe le mongwe bapaka dilo tse di kgolo tse di dirilweng ke Modimo"

Ba ne ba tshogile botlhe ba gakgametse. Ba bangwe ba botsana ba re:

"Se,se raya goreng?" fela ba bangwe ba sotla ba re: "Ba nole matute a morara"

Petoro a ema ka tshosometso ya Mowa o o Boitshepo a tlhalosetsa matshuti-tshuti a a maketseng ao e neng e se kgale ba le mo gare ga bone.

"Batho ba, ga ba a tagiwa jaaka lo nagana, ka gore ke gone e leng ura ya bo robong (9) mesong. Mo, go dirafala seo Modimo a se boletseng ka molomo wa MoProfeta Joële:

Go tla nna jalo ka malatsi a bofelo, gorialo Morena: Ke tla tshololela Mowa wa me mo bathong botlhe: Barwa le Baradi ba lona batla Porofeta; Baswa ba lona bat la bona dipono, Batsofe ba lona bat la lora ditoro

Ee, mo go Badiredi ba me ka malatsi ao ke tla tshololela Mowa wa me mo go bone mme ba tla Porofeta.

Go tla nna jaana: Mongwe le mongwe yo o bitsang Leina la Morena o tla bona pholosiwa (Ditiro 2:15-21)

Go diragetse eng?

Modimo o tshololeletse Mowa wa gagwe o o Boitshepo mo go modumedi mongwe le mongwe

Modimo o fudugetse mo go modumedi mongwe le mongwe ka Mowa wa gagwe o o Boitshepo.

Wena o tulo ya Modimo - Mowa o o Boitshepo...

Ka jalo, wena yo o dumelang mo go Morena Jesu:

- O na le Mowa wa Modimo mo go wena
- Ga o kgone go dumela kwa ntle ga go thusiwa ke Mowa wa Modimo.
- Ke ona Mowa o, o o go thusang gore o dumele.

Mowa wa Modimo o dira eng mo go wena?

- O bua le wena ka mekgwa e mentsi.
 - Ka tlhago kgotsa ka Beibele
 - Ka batho...
- O a go ruta
 - Pharologano mo gare ga go dira sentle le go senya, lerato le letlhoo
 - Morena Jesus Kresete ke Mopholosi ebile o a go Kgontsha
 - O na le bophelo jo bo sa khutleng, ga o e go bo bona ka moso.
 - Wena o kereke. Mmele wa Morena Jesu Kresete – gotswa merafeng yotlhe, malemeng otlhe, le metlhobo yotlhe
 - .
- O go etelela pele
 - O go supa tsela ya tumelo mo go Morena Jesus Kresete (Johane 10)
 - Ga go na tsela e nngwe ya go kgona
 -
- O go tlhola seswa

- Go tshwanetse go nna le go tsalwa seswa mo go wena. Motho wa kgale o tshwanetse go swa, mme motho yo mo swa a tsalwe mo go wena (Johane 3).
- O a go roma
 - Tsamaya o ye go dira Barutwana (Mat 28) (go ya merafeng yotlhe, le maleme otlhe, le metlhobo yotlhe)
 - Bitsa batho go tla le wena mo tseleng ya Modimo (gotswa merafeng yotlhe, malemeng otlhe le metlhobong yotlhe)
 - Badirele ka lerato la Kresete (Johane 13) (“)

Re ja mokete wa tshololo ya Mowa o o Boitshepo, Mokete wa Mowa o o Galalelang.

Ka mantswe a mang, ke mokete wa thobo o e sa leng go tswa kwa tshimologong e le mokete wa tebogo ya thobo. Maungo a thobo a fitlhile jaanong go jewa mokete.

Mokete wa Paseka, **maungo a Mowa o o Boitshepo tsena**

Re ja mokete... Ka Morena Jesu re bafenyi. Re utlwa tokologo

Mowa o o Boitshepo o tliša tsholofelo ya boKamoso.

Mowa o re thusa go dumela –Bokamoso bo teng: Legodimo le leswa le lefatshe le leswa; * mo sebe se ka se tlholeng se re ama.

* Mo go ka se nneng le letlhoo, bo pelo-tshetlha, dipolaano, bo pelo-mpe, le ditshebo.

* Go ka se tshole go nna le dikgogakgogano le ntwaga go tshola tlhogo mo godimo ga metsi gore o phele. Kutlo-botlhoko, marumo, selelo, le dikeledi ga di kitla di nna teng

* Ga go kitla go nna le pharologano mo bathong ka ntlha ya bohumi kgotsa bohumanegi, mmala wa letlalo, kgotsa puo e o e buang

* Go ka se tshole go nna le tshenyogo ya lefatshe gape

* Go tla nna le kagiso. Kagiso le Modimo, Kagiso le batho

Ijo! Kana ke le emetse jang letsatsi leo

A go a **kgonagala?** Tla re lebe ka bokhutshwane se se dirafalang.

Go mathata a mantšha le botlhoko, go selelo le go se kgotsofale, go dipolaano le letlhoo... Go leba dilo ka leitlho la botlhoka tsholofelo...

Ke nnete..., go dirafala dilo jaana, mme a di se go tlhokise tshepo, ka gore

BaRoma 8:22-27 (NLV) ya re:

22Kana re itse gore tsa tlholego tsotlhe di a fegelwa, di mo tlalelong ya pelego mmogo go fitlha nakong eno. 23Mme ga se tsona fela, le rona ka rosi, ba re nang le mabutswa-pele a Mowa, re fegelwa ka rosi mo teng ga rona, ka re lebeletse bongwana jwa rona, e bong kgololo ya mebele ya rona. 24Gonne re pholositswe ka tsholofelo. Mme jaanong tsholofelo e e bonwang ga se tsholofelo. Gonne se motho o setseng a se bonye, a o sa ntse a ka se solofela? 25Mme fa re solofela se re sa se boneng, re se lebelela ka bopelotelele. 26Mme Mowa le ona o thusa bokoa jwa rona jalo; gonne ga re itse se re ka se kopang ka tshwanelo; Mowa ka osi o re emela ka diphegelo tse di sa kgonweng go bolelwa. 27Mme Motlhotlhomisi wa dipelo o itse maikaelelo a Mowa; gonne ona o emela baitshepi ka fa go rateng ga Modimo.

O bua nnete. Maleo a **na le tlhotlheletso e botlhoko e e senyang isago thata**

Ke ka moo re filweng ditemana tse, tse di buang ka selelo mo Beibeleng.

Di 3 tse di buang ka selelo kgotsa go fegelwa

1. Tlhago e a lela... Bona ka moo tlhago e leng ka teng ka lebaka la maleo. Batho ba a tlhatlhamolola ba a senya, ba senya kwa ntle ga tlotlo le maikarabelo. Jaaka eketse botlhoko, go hupelana, tsietso ga di a lekana, tlhago ke paki ya dipolao le botlhoka-tsebe jotle jo bo diregang. Nwaa madi a polao nngwe le nngwe e e diregang. Tlhago e a lela... Go fitlhelela leng Morena, Go fitlhelela leng pele go tlholega-gape ga go boa ga Morena go nna teng...?
2. Batho ba a lela... Go tletse tshwabo, tlhoafalelo, botlhoko, marumo, botlhoka-botshepegi, dipolaano, letlhoo, bosiamololegi ka lebaka la maleo. Go a bonagala gore selelo sa batho ga se ganetsane le selelo sa lefatshe. Ke selelo se le sengwe. Motlhomongwe selelo sa motho ke sone se se leng thata. Ka gonne wena modumedi o setse o utlwile sengwe ka go bopiwa seswa. Mo go Morena Jesus Kresete o setse o le motho yo moswa! O setse o na le Mowa o o Boitshepo. Ke ene peeletso. Ke ene sesupo sa gore le wena o tla amogela ditshepiso tsotlhe tse di setseng tsa lefatshe le leswa le legodimo le leswa.
3. Mowa o o Boitshepo o a lela... Go bonagala ka tlhomphe - gore ke re, le Mowa o o Boitshepo o a lela
 - a. Ka gonne tlhago ga e itse gore e lelela eng
 - b. Ka gonne rona batho ga re lelele tokologo go lekane
 - c. Ka gonne rona re le batho ga re tlhaloganye gore re timelelwa ke eng. Ka gonne fa re ne re tlhaloganya se se re timelelang, re ne re tla lebelela thata ka tlhoafalo go boa gape ga Morena

A Kgomotso... Mowa o a re gomotsa mo seelong sa rona.

O a re rapelela.

O tliša dilelo tša rona fa pele ga Modimo. Mo re sa itseng gore re dire eng, kgotsa re tliše jang selelo sa rona fa pele ga Modimo.

Modimo yo o itseng gore Mowa o raya go reng. O utlwa selelo sagago ka Mowa. Re emetse ka tlišoafalo pholoso e e feletseng e e tlang le go tliša gape ga Morena...

Mowa o o Boitshepo o re thusa jalo mo makoweng a rona

Bokhutlo

O batla go itse eng gape gore o je mokete o itumele. Maungo a Mowa tsena. O seke wa dumelela selelo le boima jwa botshelo jaanong gore bo go tlišokise tsholofelo le maatla. Nyaa, tlala maatlametlo. Itumele. Tshela mmogo le badumedi –ka-wena.. Sala sekao sa Morena Jesu morago. Phela lerato.

Seo o se filwe o a se kgona. Modimo o mo go wena ka Mowa wa gagwe.

AMEN